

# ԳԱՎԱՌԻ ՊԵՏԱԿԱՆ ՀԱՄԱԼՍԱՐԱՆ



ԳԱՎԱՌԻ ՊԵՏԱԿԱՆ ՀԱՄԱԼՍԱՐԱՆԻ  
ՈՒՍՈՒՄՆԱԿԱՆ ՌԵՍՈՒՐՍՆԵՐԻՅ ՈՒՍԱՆՈՂՆԵՐԻ ԲԱՎԱՐԱՐՎԱԾՈՒԹՅԱՆ  
ԳՆԱՀԱՏՄԱՆ ՀԱՐՑՄԱՆ ԱՐԴՅՈՒՆՔՆԵՐԻ ՎԵՐԼՈՒԾՈՒԹՅՈՒՆ

ԳԱՎԱՌ 2024

Հարցման արդյունքների վերլուծությունը կատարվել է ԳՊՀ որակի ապահովման բաժնի կողմից 2024թ. մարտի 22-ին:

**Որակի ապահովման բաժնի պատասխանատուներ՝**

Հայրապետյան Բ.

Նախրատյան Մ.

Մուրադյան Ն.

## ԲՈՎԱՆԴԱԿՈՒԹՅՈՒՆ

I. Հարցման ընդհանուր նկարագիրը .....	3
II. Հարցման մեթոդաբանությունը .....	3
III. Ուսումնական գործընթացից առկա ուսուցման համակարգում սովորող ուսանողների բավարարվածության գնահատում.....	4
IV. Եզրակացություններ և առաջարկություններ .....	15

## **I. Հարցման ընդհանուր նկարագիրը.**

Ուսումնական ռեսուրսներից ուսանողների բավարարվածությունը գնահատելու, վերլուծություն իրականացնելու, ուսման որակը բարելավելու նպատակով Գավառի պետական համալսարանի (այսուհետ՝ ԳՊՀ, Համալսարան) որակի ապահովման բաժնի կողմից առկա ուսուցման համակարգում սովորող ուսանողների շրջանում իրականացվել է հարցում նախապես մշակված առցանց (online) անանուն հարցաթերթիկի միջոցով:

Հարցման նպատակն է՝ բացահայտել առկա խնդիրները, ուսումնասիրել, վերլուծել, գնահատել ուսանողների կարծիքները, նկատառումները, առաջարկությունները, դժգոհությունները, դրանց հաշվառմամբ՝ ներկայացնել առաջարկություններ և ձեռնարկել միջոցներ՝ ուսումնական գործընթացի որակն ու արդյունավետությունը բարձրացնելու, հիմնական շահառուների բավարարվածության աճին նպաստելու համար:

## **II. Հարցման մեթոդաբանությունը.**

Հարցաթերթը բաղկացած է փակ, բաց, կիսաբաց և ինտերվյալային հարցերից: Հարցաթերթի հարցերը մշակվել և կազմվել են որակի ապահովման բաժնի աշխատակիցների և ԳՊՀ դասախոսների, ուսանողների համատեղ աշխատանքի արդյունքում: Հարցաթերթի նպատակն է որակական և քանակական տվյալների հավաքագրումն ու վերլուծությունը, որը միտված է ԳՊՀ-ում կրթության որակի բարձրացմանը և ներքին շահակիցների բավարարվածության աճին:

**III. Գավառի պետական համալսարանում ուսուցման գործընթացից առկա ուսուցման համակարգում սովորող ուսանողների բավարարվածության գնահատում**

Գավառի պետական համալսարանում առկա և հեռակա բաժիններում սովորող 651 ուսանողներից հարցմանը մասնակցել են 383-ը, որը կազմում է գործող ուսանողների 59 %-ը:


**1. Ընդհանուր տեղեկություններ  
Հարցմանը մասնակցած ուսանողների թվաքանակն՝ ըստ մասնագիտությունների**

Ֆակուլտետը, բաժինը	Ուսանողների ընդհանուր թիվը		Հարցմանը մասնակիցների թիվը		Հարցմանը մասնակիցների տոկոսային հարաբերությունը
	Առկա	Հեռակա	Առկա	Հեռակա	
	Բակալավր/մագիստրոս	Բակալավր	Բակալավր/մագիստրոս	Բակալավր	
<b>Բնագիտատնտեսագիտական</b>	<b>114/27</b>	<b>173</b>	<b>58/12</b>	<b>85</b>	<b>58,9%</b>
Ֆինանսներ /ըստ ոլորտի/	38/9	-	19/6	-	53.1%
Հաշվապահական հաշվառում և հարկում /ըստ ոլորտի/	10/6	99	12/3	52	58.2%
Տնտեսագիտություն	24/5	-	17/3	-	68.9%
Կենսաբանություն	-/3	5	-/-	-	0%
Բնապահպանություն և բնօգտագործում	-/-	3	-/-	1	33.3%
Սերվիս	17/-	14	5/-	7	38.7%
Համակարգչային ճարտարագիտություն	19/4	40	4/-	22	41.2%
Դեղագործական քիմիա	7/-	3	1/-	-	10%
Քարտեզագրություն և կադաստրային գործ	-/-	9	-/-	3	33.3%
<b>Հումանիտար մասնագիտությունների</b>	<b>108/40</b>	<b>189</b>	<b>80/17</b>	<b>131</b>	<b>67,6%</b>
Իրավագիտություն	29/18	107	23/4	72	64.2%
Պատմություն	6/6	17	6/4	12	75.8%
Տարրական մանկավարժություն և մեթոդիկա	20/10	55	20/6	41	78.8%
Հայոց լեզու և գրականություն	22/4	4	17/3	2	73.3%
Ռուսաց լեզու և գրականություն	-/-	6	-/-	4	66.6%
Անգլերեն լեզու և գրականություն	31/2	-	19/-	-	57.7%
<b>Ընդամենը</b>	<b>222/67</b>	<b>362</b>	<b>138/29</b>	<b>216</b>	<b>59%</b>
<b>Ընդամենը</b>	<b>651</b>		<b>383</b>		

Հաջորդիվ ընդհանուր մասնակիցների թիվը՝ 383-ը, կընդունենք որպես 100%, և մասնակցությունն ըստ ֆակուլտետների և կրթական աստիճանների արդեն կունենա հետևյալ պատկերը (տե՛ս գծապատկեր 1, 2):

**Գծապատկեր 1**


**Ուսանողների մասնակցությունն՝ ըստ ֆակուլտետների**



Գծապատկերից երևում է, որ հարցմանն առավել ակտիվ մասնակցել են Հումանիտար մասնագիտությունների ֆակուլտետի ուսանողները:

**Գծապատկեր 2.**

**Ուսանողների մասնակցությունն՝ ըստ ուսուցման համակարգերի**




Ըստ ուսուցման համակարգերի՝ առավել ակտիվ հարցմանը մասնակցել են հեռակա ուսուցման բաժնի ուսանողները, ինչը կազմում է ընդհանուր թվի 57%-ը: Սա պայմանավորված է այն հանգամանքով, որ հեռակա ուսուցման բաժնում ուսանողների թվաքանակը ավելի շատ է և կազմում է Համալսարանում սովորող ուսանողների 55,6%-ը: Հետևաբար միանշանակ պնդել, թե որևէ բաժին պասիվ կամ ակտիվ մասնակցություն է ունեցել, ճիշտ չի լինի:

## 2. ԻՐԱԿԱՆՈՒԹՅԱՆԸ ՀԱՄԱՊԱՏԱՍԽԱՆՈՒՄ Է ԱՐԴՅՈՔ ԳՊՀ-Ի ԿՈՂՄԻՑ ՀԱՆՐՈՒԹՅԱՆԸ ՏՐԱՄԱԴՐՎՈՂ ՏԵՂԵԿԱՏՎՈՒԹՅՈՒՆԸ

### 2.1. Ուսուցանվող մասնագիտությունների մասին.


Գծապատկեր 3.



Հարցվողների 98,5%-ը հարցին պատասխանել է «այո», 0,5%-ը (2 ուսանող)՝ «ոչ»: «Ոչ» պատասխանները տրվել են Բնագիտատնտեսագիտական ֆակուլտետի առկա բաժնի «Սերվիս» և «Ֆինանսներ (ըստ ոլորտի)» մասնագիտությունների 4-րդ կուրսի ուսանողների կողմից:

**2.2. Մասնագիտական կարողությունների և հմտությունների ձեռքբերման հնարավորությունների և պայմանների մասին.**

**Գծապատկեր 4.**




Հարցման մասնակիցների 96,6%-ը հարցին պատասխանել է «այո», 3,4%-ը (13 ուսանող)՝ «ոչ»:

Ինչպես վերը նշված հարցի դեպքում, այստեղ նույնպես «ոչ» պատասխանները տրվել են Բնագիտատնտեսագիտական ֆակուլտետի առկա բաժնի «Համակարգչային ճարտարագիտություն», «Ֆինանսներ (ըստ ոլորտի)», «Հաշվապահական հաշվառում և հարկում (ըստ ոլորտի)» մասնագիտությունների 2-րդ և 4-րդ կուրսերի ուսանողների կողմից:



**2.3. Ուսումնական ռեսուրսների, ուսանողներին մատուցվող ուսումնաօժանդակ ծառայությունների մասին.**

**Գծապատկեր 5.**



Հարցվողների 92,7%-ը հարցին պատասխանել է «այո», 7,3%-ը (26 ուսանող)՝ «ոչ»: «Ոչ» պատասխաններն այս հարցի դեպքում ավելի շատ են գրանցվել: Հիմնականում տրվել են հետևյալ կուրսերի ուսանողների կողմից.

**Առկա ուսուցման բաժին.**


1. «Ֆինանսներ (ըստ ոլորտի)» մասնագիտության 3-րդ կուրս,
2. «Հաշվապահական հաշվառում (ըստ ոլորտի)» մասնագիտության 3-րդ կուրս,
3. «Տնտեսագիտություն» մասնագիտության 3-րդ կուրս,

**Հեռակա ուսուցման բաժին**

4. «Տարրական մանկավարժություն և մեթոդիկա» մասնագիտության 4-րդ կուրս,
5. «Համակարգչային ճարտարագիտություն» մասնագիտության 2-րդ և 3-րդ կուրսեր:

## 2.4. Արդյունավետ ուսուցմանը նպաստող խորհրդատվական ծառայությունների մասին.

Գծապատկեր 6.



Հարցվողների 95,1%-ը հարցին պատասխանել է «այո», 4,9%-ը (19 ուսանող)՝ «ոչ»։ «Ոչ» պատասխաններ տրվել են հետևյալ կուրսերի ուսանողների կողմից.

### Առկա ուսուցման բաժին.

1. «Ֆինանսներ (ըստ ոլորտի)» մասնագիտության 3-րդ կուրս,
2. «Ֆինանսներ դրամաշրջանառություն և վարկ» մասնագիտության մագիստրատուրայի 2-րդ կուրս,
3. «Անգլերեն լեզու և գրականություն» մասնագիտության 2-րդ կուրս,
4. «Համակարգչային ճարտարագիտություն» մասնագիտության 2-րդ կուրս,
5. «Տարրական մանկավարժություն և մեթոդիկա» մասնագիտության 3-րդ կուրս,

### Հեռակա ուսուցման բաժին.

6. «Իրավագիտություն» մասնագիտության 2-րդ և 3-րդ կուրսեր:

### Հարցման մասնակիցները նաև հստակեցրել են իրենց պատասխանները.

1. Խորհրդատվական ծառայությունները թույլ են:
2. ԳՊՀ կայքէջը պարբերաբար անհասանելի է:

3. Հեռակա բաժնի կուրսղեկները չեն տիրապետում համապատասխան խմբի մասնագիտությանը, հետևաբար նրանց մասնագիտական հարցով դիմել չենք կարող:

### 3. ՈՒՍՈՒՄՆԱԿԱՆ ՌԵՍՈՒՐՍՆԵՐԻ ԳՆԱՀԱՏՈՒՄ

#### 3.1. Ուսումնառության տպագիր ռեսուրսներ

Գծապատկեր 7.

Ռեսուրսներ	Գերազանց	Լավ	Բավարար	Անբավարար
Դասագրքեր, ուսումնական ձեռնարկներ	29%	41%	20%	10%
Դասախոսություններ	42%	39%	10%	9%
Մասնագիտական գրականություն	33%	39%	19,5%	8,5%
Ուսումնական պլակատներ և քարտեզներ	48,5%	35,5%	11%	5%
Թերթեր, ամսագրեր, տեղեկատվական բրոշյուրներ	44,5%	32,5%	18%	5%

#### 3.2. Ուսումնառության էլեկտրոնային և համացանցային ռեսուրսներ

Գծապատկեր 8.

Ռեսուրսներ	Գերազանց	Լավ	Բավարար	Անբավարար
ԳՊՀ պաշտոնական կայքէջ	44%	31%	20%	10%
ԳՊՀ էլեկտրոնային <a href="https://library.gsu.am/">https://library.gsu.am/</a> գրադարան	12%	25%	40%	23%
ԳՊՀ էլեկտրոնային ուսուցման <a href="http://learn.gsu.am/">http://learn.gsu.am/</a> համակարգ	68%	22%	7%	3%
ԳՊՀ էլեկտրոնային քննությունների անցկացման հարթակ՝ <a href="https://exam.gsu.am/">https://exam.gsu.am/</a>	10%	18%	32%	40%
Ազատ Wi-Fi գոտիներ	74%	26%	0%	0%

### 3.3. Ուսումնական ենթակառուցվածքներ


*Գնահատման արդյունքներն ամփոփելիս հաշվի են առնվել ենթակառուցվածքի կիրառելիության առանձնահատկությունները՝ ըստ մասնագիտությունների պահանջարկի, որպեսզի բացառվեն ոչ նպատակային բացասական պատասխանների հաշվառումը:*

**Գծապատկեր 9.**

Ենթակառուցվածքներ	Գերազանց	Լավ	Բավարար	Անբավարար
Համակարգչային լսարաններ	41,5%	39%	12%	7,5%
Բնագիտության լաբորատորիա	43%	37%	14%	6%
Վ.Ավետյանի անվան թանգարան	73%	27%	0%	0%
Կրիմինալիստիկայի լաբորատորիա	37%	31%	24%	8%
Երաժշտության լսարան	69%	31%	0%	0%
Գրադարան	44,5%	41%	9,5%	5%
Ընթերցասրահ	39,5%	44%	12,5%	4%
Նկարչության աշխատասենյակ	67,5%	28,5%	4%	0%
Մանկավարժահոգեբանական աշխատասենյակ	81%	19%	0%	0%
Լինգաֆոնային աշխատասենյակ	23%	20%	25%	32%

#### 4. Օգտվո՞ւմ եք ԳՊՀ հանրակացարանից:


Գծապատկեր 9.



Հարցվողների միայն 2%-ն է (7 ուսանող) հարցին պատասխանել «այո»:

Հանրակացարանից օգտվող ուսանողները նաև գնահատել են հանրակացարանում կեցության պայմանները (տե՛ս գծապատկեր 10):

Գծապատկեր 10.



Հանրակացարանից օգտվող ուսանողներից 4-ը նշել է «գերազանց» գնահատականը՝ գտնելով, որ հանրակացարանը հիանալի կահավորված է, մաքուր է: Առկա են ուսանողի հանգստի համար բոլոր անհրաժեշտ պայմանները:

2-ը նշել է «լավ» գնահատականը՝ գտնելով, որ հանրակացարանը կահավորված է, մաքուր է, սակայն կարիք ունի վերանորոգման:

1-ը նշել է «բավարար» գնահատականը՝ գտնելով, որ հանրակացարանը թերի է կահավորված, ամենօրյա մաքրություն չի պահպանվում:

«Բավարար» գնահատականը տրվել է հեռակա բաժնի «Իրավագիտություն» մասնագիտության 2-րդ կուրսի ուսանողի կողմից:

Հարցվողների կողմից «անբավարար» գնահատական չի նշվել:

**5. Խնդրում ենք ներկայացնել Ձեր առաջարկությունները ԳՊՀ ուսումնական ռեսուրսները բարելավելու ուղղությամբ:**

Հարցվողները ներկայացրել են հետևյալ առաջարկությունները.

1. Մասնագիտական գրքերի ձեռքբերում:
2. Ավելացնել մասնագիտական գրականության ցանկը:
3. Համակարգիչների մեծ մասը չեն ծառայում իրենց նպատակին, հնացած են:
4. Համակարգչային լսարանների ավելացում:
5. Դասավանդման մեթոդների փոփոխությունն արդյունավետ է, առավելությունը տալ երիտասարդ դասախոսներին:
6. Լսարաններում համակարգիչների առկայությունը ցանկալի է:
7. Ցանկալի կլիներ յուրաքանչյուր լսարանում ունենալ լուսացրիչ:
8. Կարևորել ինտերակտիվ դասերը, որտեղ կարևորվում է վերլուծական մտածողությունը:
9. Նոր դաշնամուրի կարիք կա:
10. Մատյանները ինչո՞ւ թվայնացված չեն:
11. Գրադարանում բացակայում է դասախոսի կողմից հանձնարարված գրականությունը:
12. Լսարանի դռները չունեն կողպեքներ:
13. Պրակտիկաների տևողությունը երկարացնել:
14. Խնդրում ենք կազմակերպել ուսանողական էքսկուրսիաներ:
15. 4-րդ հարկի լսարանները խնդրում ենք վերանորոգել:

16. Ջեռուցում կա, սակայն 4-րդ հարկի լսարանները կտուրին մոտ լինելու և պատուհաններից փչող քամու պատճառով գրեթե չեն տաքանում:
17. Գլխավոր մասնաշենքում դաշնամուրի կարիք կա:
18. Ոչ մասնագիտական դասընթացների անհատականները հանել:
19. Շատ են հանձնարարությունները, խնդրում ենք հաշվի առնել, որ մենք հեռակայում ենք սովորում:
20. Օտար անձանց մուտքը համալսարան սահմանափակել:
21. Սահմանափակել ԳՊՀ մուտքը ոչ համալսարանականների համար:
22. Համալսարանի անցակետը չի վերահսկվում:
23. Դասախոսները շատ են ծանրաբեռնում:
24. Ուսումնառության ընթացքում ավելացնել պրակտիկային հատկացված ժամաքանակը:
25. Ընթերցասրահը կարիք ունի վերանորոգման:
26. 4-րդ հարկում ցուրտ է, խնդրում ենք «Իրավագիտություն» բաժնի ուսանողներին տեղափոխել Հումանիտար մասնագիտությունների ֆակուլտետ:
27. Էլեկտրոնային գրադարանը համալրել ժամանակակից գրականությամբ:
28. Սանհանգույցներում օդափոխիչներ տեղադրել:
29. Առաջարկում եմ օտար լեզուներով գրված և հայերեն չթարգմանված ստեղծագործությունների թարգմանություն կազմակերպել:
30. «Հետազոտության մեթոդաբանություն» դասընթացը տեղափոխել երրորդ կուրս:
31. Համալսարանի ներսում ստեղծել սննդի կետ:
32. Առաջարկում ենք էլեկտրոնային գրադարանի հարթակը թարմացնել:
33. Հեռակայում դժվար է մեկ օրում նույն դասախոսի մոտ մի քանի ժամ լսելը:
34. Կտրականապես բացառել թելադրվող դասախոսությունները:

#### **IV. Եզրակացություններ և առաջարկություններ.**

Ամփոփելով հարցման արդյունքները, կարող ենք նշել, որ հարցմանն առավել ակտիվ մասնակվել են հեռակա բաժնում սովորող ուսանողները, առավել պասիվ՝ մագիստրոսները:

Հարցվողների մեծ մասը նշել է, որ իրականությանը համապատասխանում է Համալսարանի կողմից հանրությանը տրամադրվող տեղեկատվությունը աշխատաշուկայում մասնագիտության պահանջարկի, մասնագիտական կարողությունների և հմտությունների ձեռքբերման հնարավորությունների, ուսումնական ռեսուրսների, ուսանողական օժանդակ ծառայությունների, խորհրդատվական ծառայությունների վերաբերյալ:

Հարցման արդյունքները ցույց են տալիս, որ և՛ առկա, և՛ հեռակա բաժինների ավարտական կուրսերում սովորողները կարիք ունեն մասնագիտական գրականության:

Հարցվողների մեծամասնությունը գոհունակություն է հայտնել բուհի խորհրդատվական ծառայություններից՝ նշելով, որ Գավառի պետական համալսարանն աշխատում է ակադեմիական ազնվության սկզբունքով և բոլոր առումներով օրինակելի բուհ է, ռեկտորատը, դեկանատը և ամբիոնը տրամադրում են ցանկացած խորհրդատվություն և տեղեկատվություն:

Ուսանողների բավարարվածությունը ԳՊՀ ուսումնական գործընթացից ամբողջովին ուսումնասիրելու և վերլուծելու համար կարևոր են նաև որակական բաց հարցերը:

Հարցվողների մեծամասնությունը, ի թիվս ԳՊՀ-ի բազում առավելությունների, նշել են նաև թերություններ և առաջարկություններ, որոնց վերաբերյալ առաջարկում ենք համապատասխան ստորաբաժանումներին միջոցառումների պլան մշակել և զեկուցել ԳՊՀ ռեկտորատի և գիտական խորհրդի նիստերում:

ԳՊՀ ուսումնական ռեսուրսներից ուսանողների բավարարվածության վերաբերյալ հարցման արդյունքների վերլուծությունը, եզրակացություններն ու առաջարկությունները հղվել են համապատասխան ստորաբաժանումներ



(ֆակուլտետներ, ամբիոններ), որպեսզի ուսումնասիրվեն, ԳՊՀ ռեկտորատի կամ գիտական խորհրդի նիստերում ներկայացվեն համապատասխան լուծումներ և առաջարկություններ, ձեռնարկվեն միջոցներ՝ ԳՊՀ-ում կրթության որակի ապահովման և հիմնական շահառուների՝ ուսանողների գոհունակության աստիճանի շարունակական բարձրացման նպատակով: